



## **Vitæ D. N. Iesv Christi Monotessaron Evangelicum**

**Heser, Georg**

**Monachii, 1657**

110. Dæmon, quem ejicere discipuli non potuerunt, pellitur à Christo.

---

---

**Nutzungsbedingungen**

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

sus, ait illi: O mulier, magna est fides tua: fiat tibi, sicut vis. *Matth. 15. & 28.* Et ait illi: Propter hunc sermonem vade: exiit dæmonium à filia tua. *Marc. 7. & 29.*

I V. Et sanata est filia ejus ex illa hora. *Matth. 15. & 28.* Et cum abiisset domum suam, invenit puellam jacentem supra lectum, & dæmonium exiisse. *Marc. 7. & 30.*

## MEDITATIO CX.

*Dæmon, quem eijcere discipuli non poterunt, pellitur à Christo.*

I. **A**ccessit ad Iesum homo genibus prostratus ante eum, dicens: *Matth. 17. & 14.* Magister, attuli filium meum ad te habentem spiritum mutum: qui ubicumque eum apprehenderit, allidit illum, & spumat, & stridet dentibus, & arescit. *Marc. 9. & 16. & 17.* Ecce spiritus apprehendit eum, & subito clamat, & elidit, & dissipat eum cum spuma, & vix discedit dilanians eum. *Luc. 9. & 39.* Domine, miserere filio meo, quia lunaticus est, & malè patitur: nam sæpè cadit in ignem, & crebrò in aquam. *Matth. 17. & 14.* Magister, obsecro te, respice in filium meum, quia unicus est mihi. *Luc. 9. & 38.*

II. Ob-

D. N. IESV CHRISTI. 101

II. Obtuli eum discipulis tuis: *Matth.* 17. v. 15. & rogavi discipulos tuos, ut eijcerent illum, *Luc.* 9. v. 40. & non potuerunt curare eum. *Matth.* 17. v. 15. Respondens autem Iesus, ait: O generatio incredula, & perversa, quousque (quamdiu) ero vobiscum? usquequo (quamdiu) patiar vos? *Matth.* 17. v. 16. *Marc.* 9. v. 18. *Luc.* 9. v. 41. Afferte huc illum ad me. *Matth.* 17. v. 16. *Marc.* 9. v. 18. Adduc huc filium tuum. *Luc.* 9. v. 41.

III. Et cum accederet, elisit illum demonium, & dissipavit. Et increpavit Iesus spiritum immundum, & sanavit puerum: & reddidit illum patri eius. *Luc.* 9. v. 42. Exijt ab eo demonium, & curatus est puer ex illa hora. *Matth.* 17. v. 17.

IV. Stupebant autem omnes in magnitudine Dei: omnibusque mirantibus, in omnibus, quæ faciebat, dixit ad discipulos suos: Ponite vos in cordibus vestris sermones istos: Filius enim hominis futurum est, ut tradatur in manus hominum. At illi ignorabant verbum istud, & erat velatum ante eos, ut non sentirent illud: & timebant interrogare eum de hoc verbo. *Luc.* 9. vers. 44. & 45.